

中國方志叢書·華中地方·第七八二號

據

清·謝旻等修，陶成等纂  
清雍正十年刊本

影印

江西省

# 江西通志

(六)

成文出版社有限公司印行

祥異

箕陳禹範休咎並徵兩陽寒煥曰時與恒劉班繼之用志五行貌言視聽類應為憑用占物候用協人情

皇御宇海晏河清諸福備至嘉祥並呈箕風畢雨實厘民生江西樂土時慶豐亨人康物阜長頌昇平作祥異志

政歷分星請占日躔星紀之次其分野方位吉日蝕在斗

春秋感精符曰國飢武氏曰吳地有兵月蝕在斗占曰國

飢又曰兵起月入南斗荆州占曰吳越有災期不出三年

月犯南斗陳卓曰風雨不時兵起月乘宿南斗占曰有風

歲星在南斗占曰吳越有福歲星守南斗石氏曰歲星

守中久則穀貴春秋合誠圖曰歲飢人相食歲星熒惑合

於南斗占曰吳越飢旱不可用兵鎮星守南斗福德在吳

歲鎮斗牛吳越之福鎮星犯南斗占曰先水後旱太白犯

南斗主寇兵太白守南斗黃帝占曰所守之國凶太白鎮

星合於南斗占曰吳越有兵太白合歲星在斗占曰為亂

飢為內兵太白晝見南斗占曰有兵喪辰星犯南斗天文

錄曰有水災辰星守南斗陳卓曰萬物不成五穀傷敗熒

惑犯南斗其地主兵變熒惑守南斗占為亂賊喪兵守之

久其國絕祀客星守南斗占曰有兵絕道大水盜賊起黃

帝占曰五穀先賤後貴客星出南斗石氏曰天下飢人相

食關梁不通客星在南斗占曰有兵有赦流星入南斗占曰

穀貴民勞彗守犯南斗占曰吳越兵起有自立者三年而

滅又曰吳越大水

郭子章豫章書

郭子章豫章書

春秋

魯昭公三十二年敬王十年夏吳伐越始用師于越也史墨曰不

及四十年越其有吳乎越得歲而吳伐之必受其凶左傳

按杜注云此年歲在星紀吳越之分也歲星所在其國

有福吳先用兵故反受其殃杜注本之服虔而鄭注則

云天文分野斗主吳牽牛主越此是歲星在牽牛故吳

伐之凶鄭注本之劉向其義較長孔氏正義譏鄭為妄

者非也

越之亡熒惑守斗史記天官書

漢

文帝五年吳暴風雨壞城及官府民舍豫章書十二年有馬生

角於吳角在耳前上鄉右角長三寸左角長二寸皆大二

寸劉向以為馬不當生角猶吳不當舉兵上向也時吳王

濞封有四郡五十餘城內懷驕恣天戒數見終不改悟後

卒誅滅豫章書

漢孝景帝二年七月丙子火與水晨出東方因守斗占曰其

國絕祀至十二月水火合於斗占曰為涿不可舉事用兵

必受其殃斗吳也又為粵是歲彗星出西南其三年吳楚

膠西膠東淄川濟南趙七國反吳楚兵先至攻梁漢遣大

將軍周亞夫等戍止河南呂候吳楚之敵遂敗之吳王亡

走粵粵攻而殺之漢書天文志

建平中豫章有男子化為女子嫁為人婦生一子豫章書

建武二十四年九江多虎大蝗林志

永平九年正月戊申客星出牽牛長八尺歷建星至房南滅

見至五十日牽牛主吳越後廣陵王荆與沈涼楚王英與  
顏忠各謀逆事覺皆自殺十八年十一月甲辰晦日有蝕  
之在斗二十一度是時馬太后制爵祿故陽不勝後漢書  
天文志

永平十三年白鹿見南昌林志永平末豫章蝗穀不收民饑死  
每縣幾數千百十人五行志注

元和二年白鳥見南昌時李儀為太守林志三年海昏縣出明  
月珠縣東十五里地名珠溪大如雞子圓四寸八方古今注

永元十一年豫章餘干得白鹿高丈九尺古今注

永初六年夏六月豫章負谿原山崩共六十三所鄭樵通志  
元初六年南昌芝草生通鑑綱目

永建六年十二月壬申客星芒氣長二尺餘西南指色蒼白  
江西通志卷一百一十七詳異

在牽牛六度客星芒氣白為兵牽牛為吳越後一年揚州  
六郡逆賊章何等稱將軍犯四十九縣大劫略吏民後漢書五行志

永和二年八月庚子熒惑犯南斗斗為吳明年五月吳郡太  
守行丞事羊珍反江賊蔡伯流等數百人攻廣陵九江燒  
城郭殺都長四年七月壬午熒惑入南斗犯第三星斗為  
貴相為揚州熒惑犯入之為兵喪其六年大將軍王商薨  
九江丹陽賊周生馬勉等起兵攻沒郡縣同上

永和間豫章太守孔竺臨郡三月白雀出南昌藝文類聚

吳  
黃武元年鄱陽白龍見三年鄱陽大飢七年豫章黃龍見志安  
赤烏十一年夏五月鄱陽言白虎仁書十三年夏五月日

北至熒惑逆行入南斗秋七月犯魁第三星太元二年權  
薨是其應也故國志書於吳晉書天文志

魏高貴鄉公正元元年十一月白氣出南斗側廣數丈長竟  
天王肅曰蚩尤之旗也東南其有亂乎二年正月有彗星

見於吳楚分西北竟天鎮東大將軍母邱儉等據淮南叛  
景帝討平之是歲吳主孫亮五鳳元年也斗牛吳越分案

占吳有兵喪除舊布新之象太平三年孫綝盛兵圍宮廢  
亮為會稽王故國志又書於吳同上

太平初嘉禾生南城豫章書

永安六年赤雀見豫章豫章書

晉武帝太康元年正月己丑朔五色氣冠日自卯至酉占曰  
江西通志卷一百一十七詳異

君道失明丑為斗牛主吳越是時孫皓淫暴四月降同上是  
年豫章生嘉禾龍見於建昌七里汀立祠祀之後禱雨輒  
應安志三年白雀見豫章海玉五年秋七月嘉禾生南昌豫章

秋九月南安大霖雨暴雪樹木摧折害秋稼鄭樵通志七年木  
連理生豫章太守蘭諫以聞安志八年夏四月木連理生廬  
陵東昌白下大記

元康四年秋七月白鳥見鄱陽豫章書

永興元年彩雲覆豫章甘露降麒麟見是年石陽地震水湧  
山崩安志九月太白入南斗是年陳敏亂揚土晉書二年蝗

大飢安志

永嘉三年鎮星久守南斗占曰鎮星所居者其國有福是時  
安東琅邪王始有揚土同上六年秋七月豫章郡有樟樹久

結忽更禁茂元帝中興之應也永嘉末豫章有大蛇長十餘丈斷道過者蛇輒吸之吞噬百人吳猛與弟子殺蛇猛曰此是蜀精蛇死而蜀賊當平既而杜弼滅豫章書

元帝渡江歲鎮辰太白四星聚於牛女間晉中興書

大興元年正月麒麟見豫章豫章冬十二月廬陵豫章地震

湯水出豫章二年夏五月蝗豫章三年春正月白鹿二見豫章豫章瑞應圖云白鹿

太寧三年十一月癸巳朔日有蝕之在卯至斗吳分也其後蘇峻作亂晉書志

咸和二年春二月南昌有騶虞見安夏四月己未豫章地震

通志四年冬十月柴桑廬山西北崖崩豫章書

咸和四年七月有星孛於西北犯斗二十三日滅占曰為兵

淮南通志卷一百七祥異五

大亂十二月郭默殺江州刺史劉允荆州刺史陶侃討默斬之晉書志

咸康二年秋七月白鹿見望蔡豫章太守桓景獲以獻五年

南昌民掘地得銅鐘四枚太守褚良以獻豫章書

永和十三年秋七月甲申白兔見鄱陽太守王香之以獻并

一乘頌一篇豫章書

升平四年春二月鳳皇將九雛見於豐城安志

興寧三年夏五月廬陵西昌修明家有僵粟忽復起晉書

咸安二年春三月白虎見豫章南昌縣西鄉石馬山前豫章

表元六年夏六月江州大水豫章十一年秋八月乙酉白鳥

集江州寺庭羣鳥翔衛豫章十四年桐木連理生豫章新

陰陸地生蓮太守范甯表聞豫章冬十一月辛亥白虎見

豫章書六年太守范甯獻白鹿一頭晉書注十八年夏

六月己亥南康廬陵水深五丈鄭樵十九年十二月癸

丑太白犯歲星在斗占曰為亂飢為內兵斗吳越分至隆

安元年王恭等舉兵二年恭及桓元陷江州是後連歲水

早飢晉書志

隆安四年正月乙亥月犯填星在牽牛占曰吳越有兵喪女

主憂同上

元興二年十一月辛巳月犯熒惑十二月桓元篡位遷帝后

於潯陽三年二月劉裕盡誅桓氏上同三年江州竹生實如

麥夏六月白雀見新淦獲以獻豫章書

義熙元年八月丁巳月犯斗第一星占曰天下有兵一曰大

臣憂案江左來南斗有災則吳越會稽丹陽豫章廬江各

江西通志卷一百七祥異六

隨其星應之宋書天南康零都山有金雞青黃色飛集巖

間豫章五年春正月戊戌夜潯陽地震有聲如雷六年三

月己巳月掩斗第五星占斗主吳兵起是年徐道覆盧循

反宋書天七年白雉見南昌志八年自正月至四月南康

廬陵地四震鄭樵義熙中豫章郡吏易拔變為三足虎

宋文帝初為宜都王臨川人獻王萍實六子大者如斗小者如

鶴卵圓而赤初莫有識者以問長史王華曰此萍實也宣

尼所謂王者之應宋祚當卜年六百頃之宜都王即位

故六年春三月白象見安成安復江州刺史南譙王義宣

以聞十七年潯陽祐成湖芙蓉生連理二十年夏五月廬

陵郡地芙蓉二花一帶太守王淵以聞二十一年白雀見



南昌二十二年春二月辛未白鹿見賴縣南康相劉興祖

以獻豫章豫寧得銅鐘江州刺史廬陵王紹以獻二十四

年春三月壬午臨川王第梨樹連理臨川王燁以聞三月

望寅甘露降潯陽廬陵王紹以聞夏四月癸未甘露再降

潯陽丙申又降江州城內桐樹丁酉又降城北數里廬陵

宋玉紹以聞二十七年夏四月乙卯至戊午甘露頻降南昌

戊午未時天氣清明有彩雲映覆郡邑甘露自雲中降太

守劉思孝以聞二十八年春正月戊子木連理生潯陽柴

桑又生州城內江州刺史建平王宏以聞秋七月癸卯潯

陽柴桑菽粟旅生彌漫原野建平王宏以聞二十九年秋

八月癸酉白鹿見鄱陽南中郎將武陵王煒以獻豫章書

孝建二年餘干地震死者二十九人志安三年春三月庚子白

鹿見臨川西豐夏四月丁亥臨川宜黃縣民於田中得銅

鐘告內史傳徽以獻豫章書

大明元年夏四月戊申白雀二見潯陽江州刺史桂陽王休範

以獻母年春三月丙申甘露降潯陽太守劉濛以聞夏四

月乙未白雀集廬陵王第廬陵王敬先以獻豫章書

宋孝武大明六年八月入南斗魁中占曰吳越有憂明年

揚南大旱田穀不收民流死亡七年二月月犯南斗第四

星入魁中占曰豫章受災豫章王子尚死宋書天文志

泰始二年嘉蓮一雙駢花並實合拊同莖生豫章醴湖海玉四  
年春二月丙申望蔡獲古銅鐘高一尺七寸圍二尺八寸  
太守張辯以獻五年夏五月壬戌南昌獲古銅鼎安志云

文容斛七斗江州刺史王景文以獻六年秋七月壬午白

雀二見廬陵吉陽內史江孜以聞冬十二月壬辰木連理

生南昌太守劉悛以聞豫章書

元徽五年夏四月乙巳白雀二見潯陽柴桑江州刺史邵陵

王友以獻豫章書

建元元年夏廬陵長溪水衝擊山麓崩四年春三月白虎見

虔化縣安志

永明元年夏五月木連理生安成新喻縣二年彭澤獲白雉

一頭三年春正月安成縣榆樹二株連理秋七月安成王

暹第獲白雀一頭四年夏四月東昌縣山自比歲以來恒

發異響二十五日有一巖禿落縣民方元泰往視於巖下

得古鐘一枚書齊五年望蔡獲白鹿一頭春三月豫寧縣長

岡山得神鐘一枚八年餘干縣獲白獐一頭冬十二月柴

桑縣陶委天家樹連理十年鄱陽郡獻一角獸龍首鹿形

龍鷹共色豫章書

梁武帝天監元年八月壬寅熒惑守南斗占曰糴貴五穀不

成大旱多火災吳越有憂宰相死是歲大旱米斗五千人

多餓死其二年五月尚書范雲卒隋書文二年夏六月太

宋信安安豐大水五年廬陵太守王希聘於高昌縣之仁

山獲銅瑞劍二口以聞六年夏六月新吳縣獲四目龜一  
豫章書  
九年望蔡縣得銅鐘內史表箋以獻安志十年夏五月  
癸酉安豐縣獲一角元龜豫章書

洋南通志卷一百七 祥異 八

大同五年十月辛丑彗出南斗長一尺餘東南指漸長一丈餘十一月乙卯至婁滅占曰天下有謀王者其八年正月安成民劉敬躬挾左道以反黨與數萬隋書天文志

大清三年夏六月江州大飢人相食豫章書

太寶二年夏六月陳霸先發南康贛江水暴起數尺灘石盡斥沒進軍頓西昌有龍見水濱高五丈有五采色觀者數萬人霸先獨坐胡牀於閣下忽有神光滿閣燭照廊廡趙知禮怪聞不答尋進軍討侯景破之海熙志

陳文帝天嘉四年九月癸未太白入南斗其後安成王為太傅廢少帝而自立改官受爵之應也隋書天文志五年春正月乙酉江州溢城火死者二百餘人安志

江南通志 卷一百一 祥異 九

太建七年冬十二月甲子南康郡獻瑞鐘二十四年秋七月辛未江水色赤如血豫章書

開皇三年餘干大水漂市民三十五家安志八年十月甲子有星孛於牽牛牛吳越之星陳之分野後年陳氏滅隋書天文志

唐武德六年慶雲見洪州安志九年江州都督太子衛副率侯君奭集於納義門獻白雀豫章書

貞觀十五年洪州獻元珪海玉十九年餘干鶴生三雛一赤翎一白翎時縣令顧錫豫章書貞觀間洪州馬孝恭入南山化為虎二十年後轉為人而死安志

永徽元年夏六月饒州大水溺死者數百人豫章書

顯慶元年秋七月吉州火焚倉廩甲仗及民居二百餘家冬十一月己巳饒州火豫章書四年建昌白鳥集安志

麟德二年南康景雲見安志

二十七年春筠州大水安志

垂拱三年飢天授元年白鹿見餘干習善鄉萬歲登封元年春三月壬寅撫州火豫章書

開元五年洪州火延燒州署州人見有物赤而噉噉飛來旋即火發志林十三年撫州三脊茅生豫章書十八年白鹿見豫章二十七年春三月袁江二州水豫章書

天寶初臨川郡人李嘉允屋柱生芝草狀如天尊像太守張景佚截獻之豫章書

江南通志 卷一百一 祥異 十

大歷七年春二月庚午江州水溢豫章大歷間仙鶴巢於大果寺樹安志

貞元元年嘉禾生洪州或五莖四穗或兩莖三穗安志二年洪州火燔民居萬七千家志林十年夏四月江州溪澗魚頭皆戴蚯蚓豫章書十一年星子來白鹿李渤馴馬飼以自娛今白鹿書院因此名也安志

永貞二年秋洪州火燔民舍七千家安志

元和二年秋洪州大旱安志三年旱四年秋旱七年夏五月饒撫虔吉信五州暴水虔尤甚平地有深至四丈者豫章書高安城中火焚官舍民居甚多安志九年秋江撫袁等州大水害稼豫章書十一年秋九月饒州大水漂失四千七百戶日綱十五年六月十六日慶雲見袁州西北至暮方散刺史韓

愈以表圖稱賀昌黎集秋洪吉信等州水豫章書有星隕于牙

門將孔知讓第仰山古廟獅鳳見安志

長慶三年秋洪州螟蝗害稼八萬頃豫章書四年冬十一月吉

州大水安志

寶歷元年秋旱豫章書

太和四年大水鼠害稼八年秋水害禾豫章書

大中間虔州刺史賈琮入覲駐旌遂興江口見州有五色祥

雲起因名萬安為五雲林志

咸通七年白鹿見餘干萬年鄉以獻豫章書

乾符六年歲星入南斗魁中黃巢陷餘干餘干縣志

中和年瑞州昇元觀生瑞竹自根至三尺岐為兩竿安志

光化三年十月太白鎮星合於南斗占曰吳越有兵是時楊

江西通志

卷一百七 祥異

二

行密錢鏐稱兵豫章書

天祐二年夏四月庚子有星類太上有光似彗長三四丈

色如赭辛丑色如縞或曰五車之水星也時邑人盧光稠

為本州防禦使尋加節度使兼制南雄韶州次年嶺南劉

隱稱大彭王光稠與戰破之五車州之占候水者兵象也

上猶七年庚午夏洪州賈石於越王山下昭仙觀前有聲

如雷光彩五色闊十丈素吉江洪四州皆見觀前五色煙

霧經月乃散錄異唐末安福縣生蓮一莖四房時楊彥伯

為宰豫章書

後唐

同光二年洪州民生男豕首鶴足安志

南唐

保大二年素州火三年筠州州治火安志南唐間紫芝生廬陵

末

歐陽家屋楹六一居南唐時南昌新義里地陷長數十步

廣者數丈狹者七八尺稽神錄

開寶八年彗出五車色白長五尺是冬南唐亡吳任臣一國春秋

太平興國二年饒州獲六目龜以獻七年江州水漲豫章書

雍熙二年虔州吏李祚家馬生駒足各有二距安志冬十二月

南康軍大雨雪厚三尺江水水合可勝重載綱目

淳化元年夏六月吉州大雨江漲丈三尺漂壞民田廬舍江

州水漲二丈八尺秋七月洪州江水漲壞城三十堵漂民

舍二千餘戶豫章書

咸平元年夏六月大雨壞洪州城漂沒二千餘人林志七年夏

江西通志

卷一百七 祥異

五

五月撫州修天慶觀解木有文如墨畫雲氣峰巒人物衣

冠之狀白雀二見餘干福應鄉異鹿見餘干萬春鄉毛青

如荷葉文白如梅花時縣令吳在本有異政豫章書

景德二年撫州獻白鳥有詔罷免歲貢四年信州飢豫章書六

年五月甲辰月犯南斗占曰大臣憂明年樞密使玉鉞若

罷欽若豫章人也同上

大中祥符元年夏五月龍墜於餘干之李梅峯七日不起將

屠之暴雨迅雷而去安志冬十二月甘露降上饒縣三年春

二月饒州獻芝草四本夏六月吉州臨江軍竝江水泛溢

害民田秋七月吉州言嘉蓮一莖二花素州水漲墮州城

四年秋七月洪江筠表江漲沒民田六年春二月廬山崇

聖院生芝九本知州王文震以獻夏四月饒州承天院東



山生紫芝四本蓮葉豫章書

天禧元年浮梁縣山竹生實如米四年冬十一月上饒民王

善園中生芝草三本皆金暈其二連理豫章書

景祐元年秋八月分寧縣大水漂沒民居死者三百七十餘

又安袁州靈雨暴漲壞民廬舍官署圖籍倉庫皆湮沒志

三年夏六月虔吉等州水溺死者賜其家緡錢豫章書

慶曆三年浮梁大水志四年吉州甘露降夏五月乙亥金谿

縣得生金山重三百二十四兩五年秋八月洪州章江禪

院堂柱芝草生高一尺二寸葉二十一層色白黃有紫暈

旁生小芝葉九層上有氣如煙豫章書

皇祐二年夏六月信州水破城沒官舍淹民居志四年甘露

降吉州仁宗實錄

嘉祐元年浮梁鄭夢龍園池生荷花一蒂雙萼林志

熙寧元年秋九月撫州有白兔書二年夏六月吉州城西

池生瑞蓮志秋八月吉州玉虛觀生芝叢志三年夏六月

已未饒州長山兩木子數畝狀類山芋子味香而辛土人

以為桂子又曰菩提子是年大稔豫章書

元豐元年芝草生南昌射圃豫章書二年袁州生嘉禾志夏四

月南康軍甘露降六月又降豫章書秋洪州稻已獲再生皆

黃志三年臨江軍芝生四十三本豫章書六年八月吉州生

芝草三十本是年芝二本生於州院獄門之東又生於郡

齋又生於西峯之秀野亭最異者黃芝異本同穎時廬陵

守魏倫有能名即秀野亭以為三秀亭屬黃庭堅記之黃

山谷文集

元祐元年宜春進士王忱家產粟二本四穗長尺餘司理李

冲元為瑞粟記志八年晉陵邵叶為新昌宰視事之三月

靈芝五色十二生於便坐之室黃山谷文集

建中靖國元年信州旱豫章書

大觀二年大旱夏六月至冬十月不雨豐城縣得古鐘大小

九具有篆文詔令進上志秋八月瑞州木連理大觀中甘

露降瑞州時郡守曹坦四年夏六月瑞蓮生袁州學西合

樹同莖駢花並實州守趙瑞記秋九月右丞相張商英言

袁州產瑞禾高踰九尺分布七穗上瑞禾圖豫章書

政和元年辛卯虔州生芝草仰山太平禪院產嘉穀志安政和

間吉水李籌兄弟母墓在匡山水連理豫章書

江西通志 卷一百七 祥異 十四

宣和間永豐曾正矩家池亭蓮一本而兩葩竹一幹而兩竿

建炎四年分寧縣治火志十九年八月戊午月入南斗次年

信州盜起豫章書

紹興初朱勝非出守江州過梁山龍入其舟纜長數寸赤背

綠腹白尾黑爪甲有聲目有光三年樂平早撫州祥符觀

甘露降知州高衛繪圖以聞吉州飢令宣諭使賑之四年

筠州水害稼自夏及秋江西九州三十七縣皆水豫章書七

年饒州水壞城九年饒州大飢志十三年秋七月玉山縣

西七里居民謝七婦化為牛十四年春正月樂平縣何衝

里田龐數十百頃田中水如為物所吸聚為一直行高平



天矯如長虹聲如雷穿墻毀樓二水闢於杉墩且前且却約十餘刻乃解各復故夏四月虔州民屋毀折柱木埋有字五其文曰天下太平時綱目秋八月撫州獻瑞粟一本八穗一本九穗詔付史館十五年臨川禾生九穗州守晁謙之表聞乞付史館十九年夏四月甘露降江西路二十一年春二月辛未南安軍大雷電大吏令連潛初至吏人抱文書環立忽有黑氣晦暝咫尺不相視掣電震霆仆羣吏於地令悸甚匍匐案下少頃乃霽吏死者四人昔皆為經界司吏云是年饒州鄱陽縣石門民家籬竹生重莖牡丹又民家竈鼎生金色蓮花虔州亦有蓮同蒂異莖二十三年新喻有巨室篋中時有火光燔衣帛過半而篋不焚綱目二十五年湖口縣赤龍橫水中寒風怒濤覆舟數十

江西通志

卷一百七 祥異

五

人多溺死安志冬十月以南安雙蓮花贛州瑞木信州芝草並繪於旗豫章志二十七年洪州暨各郡大水安志是年鄱陽縣有妖鳥身雞尾長喙方足赤目止於民屋數日彈矢不能中亦羽孽也三十年春撫州宜黃縣有大蛇見於丞治長二丈捕之縱數里外俄復至者數四豫章志紹興間吉安主珠廬母墓有雙竹靈芝之異甘露降浮梁李椿年母墓樹林志

隆興元年春萍鄉池蓮一本三花是年袁州發解進士四人萍鄉居其三州守趙瑞為圖林志時白鹿見南昌三年秋八月積潦至九月禾稼皆腐隆興四縣為甚四年秋七月饒信水六年夏五月大水八年臨江隆興大水九年夏五月

隆興吉饒信水圯民居壞田圩豫章志

乾道元年永寧寺池前大樹化為龍飛去安志二年六月乙酉月入斗八月庚辰亦如之占女后憂十一月戊午月犯權星占曰女后憂明年皇后夏氏崩夏后宜春人也豫章志四年夏六月隆興旱五年夏饒信大飢民多流徙豫章志秋七月龍鬪於武寧縣西北大雷迅雷二龍奔逝臨珠於復塘村為牧豎所得自是連年水安志七年隆興江筠饒南康臨江首種不入冬不雨秋江筠州隆興飢人食草實流徙淮甸發廩賑之不給詔立勸分賞格內出左帑增賑饒州收育棄兒八年隆興府江筠州臨江軍大旱九年吉贛臨江南安久旱無麥苗浮梁大水隆興府鼠害稼千萬為羣甚於螟蝗九年秋吉贛臨江南安皆螟豫章志淳熙元年飢賑以常平義廩六十二萬斛豫章志二年彭澤馬

江西通志

卷一百七 祥異

六

當山羣狐掠人安志五年旱豫章志七年春三月不雨大旱蝗民飢筠州大水淹沒田廬安志夏五月丙辰分宜大水林志八年春江州飢安志云諸郡大旱自人採葛而食詔罷守臣章驛饒州流徙入淮郡者萬餘人夏五月江州水九年春德興縣民家有鏡自飛舞與日光相射夏五月不雨至秋七月隆興吉撫筠袁臨江建昌旱豫章志是年筠州無訟堂產瑞芝時趙謚為太守十年鄱陽南鄉民生子兩肘有三臂長能鬪六臂並運後不知所終安志秋八月信吉二州水

十一月夏四月不雨至秋八月吉贛建昌早吉尤甚冬不雨至明年二月十二年飢令帥臣賑粟十四年夏五月隆興饒州江吉撫筠袁臨江建昌皆旱給度僧牒鬻以糴米備賑十五年吉州治東池生雙蓮太守朱希顏有記豫章志

是年隆興府大水奉新尤甚淹沒八百餘家志十六年夏五月分宜水豫章書時廬陵三山曾季淵家有合抱二木隔道株相連理林志

紹熙四年吉州水漂沒民廬及泰和官舍自夏及秋江西九州二十七縣皆水五年饒信江撫諸州水豫章書

慶元元年樂平民產子人體有尾又民家生數豚而首各備他獸形亦有人首者又更其他獸蹄又鄱陽民家有一貓帶數十鼠行止食息皆同如母子相哺者民殺貓而鼠舐其血鼠象盜貓職捕司盜廢職之象也與唐龍朔洛州貓虎同占豫章書二年秋七月進賢縣民產子首有角腋有肉翅面具三目有尾志三年夏四月饒州餘干民家生八豚其二為鹿樂平鄉田家牛生犢一角鱗身肉尾農以不祥

江西通志 卷一百七 祥異 七  
殺之或惜其為麟同縣萬山牛生犢人首德興縣羣狐入民舍四年夏五月不雨至七月旱六年饒信及江西郡國皆大水肖庚午至甲戌流民廬害稼豫章書

嘉泰間金芝生廣昌縣解三年秋七月水害苗稼四年春撫來隆興臨江大飢殍死者不可勝瘞有舉家二十七人同赴溺者令郡縣發常平倉賑之部使者益以緡粟豫章書

開禧二年南康軍旱豫章書三年夏五月浮梁大水林志三年二月癸丑月犯五車東南星占兵起駕道不通己未火星退留守權星占女后有憂於是成肅太皇太后崩文獻通考

嘉定元年夏五月甲子安福荆山民早出忽一星墜於前亟掘地得之光彩燦燦毀為數十片亦如之二年夏六月有

年秋八月己巳信州火燔民廬二百家九月丁酉吉州火

燔五百餘家冬十月撫州火七年春正月庚辰江州燈夕黑雲暴風暮作郡治遊人相踐死於門者二十餘人八年南昌春旱首種不入至八月乃雨樂平早九年夏五月信饒大水流田廬害稼豫章書十年饒州大飢林志十四年旱吉

贛建昌為甚十五年夏五月不雨至七月贛州大旱十七年夏五月建昌大水圯民廬城郭害稼豫章書

金宣宗興定五年正月辛丑太白晝見於牛二百三十有二日乃伏時司天夾谷德玉等奏以為臣強之象請祭以禳之宣宗曰斗牛吳分蓋宋境也他國有災吾何禳乎王圻續文獻通考

紹定間產芝二本黃房紫萼十二層十六葉在饒州宣聖殿

江西通志 卷一百七 祥異 八  
端平元年夏六月朔大風雷屋瓦皆飛鳥獸驚駭豐城縣晝晦大風雨雹吹瀕江廬舍於水人多溺死縣治寺觀飄揚飛去帥守陳韓自劾於朝安志

嘉熙四年夏六月江西大旱蝗豫章書

淳祐元年甘露三降餘于孝子劉泌家梅樹志十二年信州

饑豫章書

寶祐元年夏六月江西旱豫章書

咸熙五年夏五月有星孛於南斗上猶志七年春三月吉州飢

夏六月賑瑞州飢民豫章書十年春正月己卯朔永新有氣如虹橫貫一邑通鑑

元 至元二十五年秋八月萍鄉縣進嘉禾豫章書秋九月庚子燬

感犯南斗時嶺南賊董賢舉兵剽掠韶雄南安江西行省

平章事忽都帖木兒討之不克江西行樞密使月的迷失

請益兵上猶志二十六年冬十二月寧州生嘉禾二本州民

張安世以進二十七年秋七月龍興路水溢城幾沒賴吉

秉瑞建撫皆水二十八年撫州飢二十九年夏五月龍興

路南昌新建進賢三縣水豫章書

元貞元年夏五月鄱陽餘干水二年夏六月泰和州蝗豫章書

大德元年夏五月龍興南康饒州水餘干山澤龍出凡四五

十舟行樹杪二年夏六月撫州崇仁縣辛陂村有星隕於

地焉綠色圓石邑人張椿以狀聞豫章書秋七月江西水綱目

六年夏六月饒州大飢林志秋七月龍興民訛言括童男女

至有殺其子者命捕為首三人誅之始息綱目七年夏五月

江西通志 卷一百七 祥異 九

龍興南康袁州撫州等路南豐等州飢豫章書九月辛未熒

惑犯南斗是年江西飢上猶志九年夏六月龍興撫州臨川

三路水十年春正月湖口縣方丙妻甘氏一產四男夏六

月龍興南康蝗豫章書大德間餘干習泰鄉章雲西齋生竹

一木三幹林志大德間得銅鐘於進賢之上破山安志

皇慶元年夏四月龍興路新建縣兩害稼二年冬十二月德

化縣災豫章書

延祐元年秋八月龍興路水安志二年夏四月江州建昌飢三

年夏四月南豐州飢五月袁州飢四年秋七月南城產嘉

禾七年夏五月鄱陽進嘉禾一莖六穗豫章書

至治元年江州贛州霪雨二年冬十二月南康建昌大水山

崩三年秋八月袁州宜春縣隕霜害稼豫章書

泰定元年春正月信州上饒飢夏五月贛州吉安臨江飢秋

八月江州建昌南安等路屬州縣飢九月建昌旱二年春

正月瑞州飢三月江州飢夏四月南安飢五月袁州撫州

飢三年夏六月龍興路寧州高市火燔五百餘家秋七月

龍興奉新火冬十二月瑞州大水壞民田五千五百頃廬

舍八百九十所溺死者百五十人四年秋八月龍興路火

九月建昌贛州飢豫章書

致和元年春二月癸亥信州貢綠毛龜豫章書

天歷二年秋八月饒州旱豫章書

至順元年江西飢有田之家盡為餓殍林志

元統元年冬十二月德興餘干樂平地震二年春二月瑞州

路水夏五月信州地震秋九月吉安路水南康旱豫章書江

江西通志 卷一百七 祥異 十

州飢安志

至元元年春三月龍興路飢冬十二月饒州地震二年信州

瑞州等路旱江撫袁瑞飢三年瑞州臨江南昌新建飢四

年春新昌州地震夏五月吉永豐大水六月信州路靈山

裂五年春二月信州雨土冬十一月新昌州雨木冰十二

月袁州飢豫章書

至正三年大疫林志四年春正月靖安縣兩木冰五年瑞州路

飢豫章書六年進賢縣甘露降瑞州西澗書院生靈芝瑞草

安志八年夏四月奉新大雨雹傷禾折木九年靖安山裂十

年夏五月甲子寧州山崩丙寅上高縣蒙山崩龍興瑞州

大水十一年進賢生瑞竹南昌新建大水豫章書夏大雨蛟

出山崩餘干清湖水忽黃而濁者三日安志七月己未太陰



犯斗宿東第三星十月辛巳太陰犯斗宿距星乙酉太白

犯斗宿西第二星明年徐壽輝破江袁瑞饒信等州豫章志

冬十月信州兩泰饒州兩黑子大如黍菽民多取而食之

十一月春正月星隕於吉州城東北其光如火其聲如

雷夏四月龍興大疫十三年夏饒州龍興瑞州建昌吉安

失旱參棗州路有黑氣環城豫章志十四年夏四月江西大

飢綱目冬龍興兩木冰豫章志十七年七月甲申太陰入犯斗

宿距星閏九月丙午太陰犯斗宿南第三星明年陳友諒

陷龍興豫章志十八年星隕於康郎湖中焰曲如箒二十年

春大雨雪連綿六十日二十一年秋地震屋瓦皆鳴安志

十三年二月星隕康郎湖中曳焰曲折袁準曰此枉矢星

也主兵四月陳友諒襲龍興七月明祖帥舟師二十萬救

洪武元年熒惑觸歲星寧州大風雨出蛟山水暴溢民多溺

死詔遣使賑恤夏六月瑞州府地震二年饒州霪雨三月

水深丈餘城多傾圮安志三年芝生泰和縣廳樑柱二莖狀

如慶雲網緼五色燦然光潤秋縣南陳煥章家產芝三莖

其色絢爛光彩奪目林志四年熒惑留南斗是年胡廷美戰

鉛山擊陳友定不克鉛民大亂廣信志六年癸丑冬十一月

瑞州民呂氏產白牡丹於冰雪中盛開豫章志十三年夏五

月瑞州大水新昌泰和橋圯府城水三日林志三十年冬十

一月瑞州虎入城三十一年春大雨雹安志

建文二年鄱陽大水豫章志

永樂元年芝草生樂平二年饒州大水三年廣信大水豫章志

四年廣信大水暴漲瀕河之民遭決沒者甚眾林志五年撫

州建昌疫至明年正月仍疫六年秋七月玉山永豐疫冬

十月上饒疫八年春三月吉永豐縣學生負黃端家竹一

本二幹十年夏袁州虎殺人僉事黃翰為驅虎文禱於城

隍之神自四月雨至五月武寧大水漂流民居令戶部撫

恤十一年春二月豐城德安建昌飢十三年秋七月瑞昌

縣飢十四年廣饒二府大水豫章志

洪熙元年春二月饒州府地震秋七月又大震河水震蕩屋

瓦有聲安志

宣德四年鄱陽火七年浮梁大水豫章志

宣德六年熒惑犯南斗是年鉛山水火飢廣信府志

宣德八年南昌饒州廣信南康九江大水九年南昌瑞州臨

江袁州撫州早民飢安志白雀見南昌十年大飢林志

正統三年夏五月芝生泰和儒學西齋如瑤瓊玖精英燦

異白下大記十二年進賢瑞竹生十四年南昌大水豫章志湖口

縣鐘山裂安志

正統十四年七月熒惑入南斗先是鄧茂七聚眾寇汀州命

高書金濂寧陽侯陳懋等率江西兵討之是年茂七中流

矢死眾擁其兄子伯孫為渠帥官軍討之久乃克上猶縣志

嘉泰三年冬至四年春瑞州凝雪六十餘日五年春二月廣

信大雨雪餘四十日豫章志

天順元年浮梁大水二年夏四月瑞州大山崩蛟出八年

夏四月袁州大水秀江橋圯豫章志



成化元年秋七月大水詔戶部勘實以聞二年南昌旱大庾

產嘉禾豫章三年夏南昌府屬三月不雨大無禾四年寧

都三江水合先是有三江合狀元來之謠明年邑人董越

果進士及第春三月豐城大風拔木壞屋志安是年大旱免

南昌等府衛官民田并山蕩屯田秋糧子粒凡二百八十

八萬六千三百餘石豫章五年冬萬載縣東郊虎出噬人

七年春武寧縣雨木冰志安樂平縣大水豫章八年瑞州大

雨雹其大如拳屋瓦皆碎秋大水新昌縣民姚永貞家產

紫芝五本志安九年鄱陽火十年餘干大水豫章歲甲午芝

草生豐城學夏瑞州府文廟產西瓜一莖七實其年登秋

榜者七人志林十二年浮梁大火豫章十四年南康府文廟

產五色靈芝志安夏四月袁州大水志林十五年春芝生大庾

江西通志 卷一百七 祥異

龍華山佛殿石柱太守張弼詩以紀之南昌旱豫章十六

年湖口隄上鐘山崩十七年彭澤縣大疫十八年南康府

龍出於儒學泮池志安是年貴溪水豫章二十年春三月南

瑞大雨雹夏四月撫州大水傷稼二十一年臨江霪雨水

漲四郡一壑豫章是年芝生奉新縣民家夏五月南昌大

水漂沒民廬人畜甚多浸城門五日方退志林是月吉安亦

大水高十餘丈粟沒田廬溺死者無算二十二年大庾大

疫豫章夏大水決天井壩為河河在四十二都先是民家

天井中出二角似竹笋乃龍角也未幾水漲決為河二十

餘里今名天井壩 白下大記

宏治元年春正月奉新縣雨木冰志安秋七月廬山芝草生有

一本十餘莖者二年秋九月南昌鐵柱宮火豫章二年泰

和天馬山鳴白下四年夏六月九江雨雹六年春三月貴

溪大雨雹形如馬首重十餘觔屋樹鳥獸俱傷冬十二月

南昌撫州大雨雪是年廬山白鹿洞芝草盛生志安餘干火

豫章七年冬十一月地震有聲志安是年袁州嚴寒林木枯

摧人多凍死八年夏瑞州旱高安楓樹結李實桃李皆花

白魚躍入府城浮橋上志林冬十月南贛大疫十二月大震

電禮部以聞豫章十一年袁州臨江旱十二年春正月浮

梁火文廟譙樓皆燬志安是年餘干火十三年大庾大水十

四年甘露降分宜縣解桐樹時知縣吳蘭芝生上高縣廳

二本知縣童旭覆以亭豫章夏袁州萍實門外池蓮一枝

雙葩志林冬十月廣信雨麥十五年九江虎晝入市三月閩

吞噬百餘民命知府募獵士擒之隨作文祭告城隍以杜

江西通志 卷一百七 祥異

民害豫章二月十五午時廣昌地震如雷志林夏四月大庾

大水是年南昌旱豫章十六年元日昧爽廣信有星流於

東北秋八月樂平地地震志安冬十一月二十五日夜四更廣

昌縣有星大如輪自天中流抵東方天如開裂紅光燭地

十二月朔舊南門火是年袁州大旱十七年袁州袁山門

外池蓮一莖雙葩豫章夏六月廬山鳴經三日雷電大雨

平地水湧丈餘蛟四出石崩數十處冬高安縣火志安十二

月袁州分宜火燔民舍五千餘家儒學及安仁驛皆燬志林

十八年春分宜袁嶺白氣如虹上騰三日豫章

正德元年在武寧縣火城內民居幾盡夏瑞州旱秋七月大水

袁州山崩九月餘干地震志安二年夏袁州大仰門外池蓮

三本同蒂異萼秋七月吉安雨血著衣皆赤三年龍南雨

電如拳黑風捲屋牛馬多擊死黑青自廣昌縣庫出至縣廳入於獄有聲如裂屋樂平旱廣信自四月不雨至于十月金谿兩黑子如豆明年臨川寇亂豫章書秋七月東鄉餘

干兩黑黍瑞州竹生花結實如米安志八月饒州後港蘆薈菓葉如劍如旗油菜結四實如鳥狀豫章書冬十月廣永豐

水溢有聲如潮林志四年廣信兩黑子如栝實袁州竹生花結米飢民採之食樂平浮梁早夏五月南昌大雨電吉州

廣信自四月至冬不雨六月雷火焚廣昌縣儀門兩電交作南昌大水豫章書高安縣雨黑穀袁州臨江旱安志冬十二

月廣昌縣復焚五年袁州樂平浮梁早上饒雨電殺稼豫章書是年奉新靖安大飢春三月樂平來一鳥九頭瑞州府

城火安志夏五月南昌大飢民起為盜六月間有星大如五

江南通志

卷一百一十七 祥異

星

光曜有芒日晡見於廣昌縣西隅六年正月朔東鄉進賢地震豫章書十一日戌時南豐地震林志夏廣信兩黑麥豫章書

五奔吉安府兩血南昌見日有紅白暈中浮黑氣有頃始散安志六月臨江早是月四日夜有火星交流復有火球大

如車輪尾長數丈光焰灼天隋府城東北角夜分又有星大如斗紅光燭城從西流至東南其聲隱隱如雷鳴秋七

月日晡有星如月流光燭地自廣昌縣南墜於西北豫章書彙荆監生韓繼善家石榴一蒂六實林志七年廣信兩黑子

不試種之出葉如戈戟三月餘于仙居寨夜大雷電以西北風有火箭隨旗竿上如燈籠光照四野戍卒因撼動其

旗火直飛上竿首卒因發銃衝之其火四散闔寨鎗首皆

有光如星須臾滅冬大度火豫章書八年省城內外火災布

政司治及民居寺觀萬餘家林志南昌府夏六月豐城縣

西南隕星如斗火作累日燬官民廬舍死者三十餘人秋七月又隕星如盆安志九月袁州府城火冬十月臨江府城

火南昌豐城火燬公署及民舍萬餘家十一月廣信溪治冰花宛如樹形九江湖口冰可通人行是年饒州苦寒草

木皆死浮梁兩雹小者如卵大者如瓜壞民居田稼牛馬多死傷豫章書九年秋七月瑞州大水山崩漂沒廬舍稻未

刈者生秧八月朔南昌廣信晝晦星見豫章書冬桃李花成實十年布政司治火寧州兩木冰安志十一年春三月寧都

通天村有合抱枯樹偃仆已久忽風雨大作隱隱有聲頓起如故秋七月贛州府城地震黑風四塞下黑子如竹實

十二年春南昌府象牙潭山裂三月餘于地震豫章書甘露

江南通志

卷一百一十七 祥異

星

降南昌府學宮夏四月豐城地震六月南昌有火自空而墮光焰長丈餘寧州東北方白氣如虹飛隨有聲秋八月

南昌火燬民居三百餘家冬十月浮梁虎入城十三年夏六月有星自東南飛來其光燭天有聲浮梁縣民余邱家

產一牛二面二目三鼻十四年春九江地震黑氣彌月始散安志夏南昌大旱自六月不雨至八月十五年春吉水南

山悟空寺生竹一本五幹大庾縣火夏四月廣信大風雨電殺飛走拔大木壞廬舍五月又大水豫章書臨江府大水

壞民田廬林志夏五月暴風豐城有三龍見於楓樹橋安志六月丁丑廣昌雨雪豫章書秋九月九江暴風龍開河小港女

兒港壞舟數百溺死商人無算安志十六年玉山山溪暴漲勢若滔天漂蕩民居淹沒田土至有舉家沒溺無遺者四

月臨江疾風驟雨發木折屋平地水高丈餘蕩塞田畝林志

六月玉山分宜鄱陽水豫章書

嘉靖元年饒州水豫章書夏四月萬載學宮雙虹見自南竟北

一五曰次年再見五月各府大水安志廣信靈雨豫章書六月

大風拔木九月建昌地震有聲安志二年鄱陽大飢餘于大

疫林書夏四月玉山產麥一莖兩歧者三十餘本豫章書冬十

二月除夕饒州風雪大作平地須臾尺餘飄入民居燈燭

皆滅行李凍死相枕籍至元旦下午方止林志四年南昌府

屬飢高安縣學產並顛蓮五年春正月九江府赤氣見是

年十三府大旱夏五月鄱陽德化多虎六年瑞州臨江水

七年正月元日甘露降贛州長泰巡撫汪鏐以聞豫章書

八年饒州廣信水十一年夏建昌蝗冬十二月南昌九江

江西通志 卷一百七 祥異 三

雷十二年夏四月十三府大水秋七月吉安府西北星隕

如雨十三年春正月夜萬載火光燭天數刻乃滅閏二月

南昌進賢五色雲見瑞州府地震十四年臨江府大旱次

年又旱安志秋七月吉安水豫章書十六年春正月豐城雨水

冰十八年夏六月大水安志十九年春三月大水豫章書夏四

一月瑞州民飢安志秋八月浮梁大水豫章書二十年甘露降於

豐城之蜜嶺安志二十一年吉州大旱豫章書二十二年春正

月朔南昌五色雲見吉安大飢袁州城火延燒宣化樓二

十三年正月袁州又火焚秀江樓十三府旱大飢安志夏六

月癸亥犯南斗是年江西列郡皆飢明年大飢民多流散

上書秋九月餘于大風拔木饒州志二十四年春臨江府大

水無麥安志吉州大飢大疫贛州南安亦大疫夏四月泰和

土赤飯亦赤新城大水浸城堞漂官民房屋千餘所田地

二千餘畝男婦溺死者二千餘人豫章書二十五年秋七月

瑞金學泮池產蟾蜍二色白如玉二十九年春瑞州雨雹

傷稼四鄉稻秧俱盡夏五月五老峯蛟出數百三十年破

山來一彪似虎而大毛體尖喙二日而噬十七人三十一

年南昌旱民飢安志饒州四月不雨至九月饒州志秋八月乙

丑貢院火豫章書三十七年饒州獲白兔府志三十九年泰和

天馬山崩水湧出螺數石大者如拳未幾寇至居民被禍

獨慘下春二月雨水冰撫州雨雹如石四十年春三月

大雨雪夏五月撫州見日光相盪安志饒州獲白鴈府志四十

一年夏四月至六月南昌數府大水四十二年春二月建

昌大疫安志饒州有牛腹大異常忽雷電繞其身產犢如駒

江西通志 卷一百七 祥異 三

麟角俱其後莫知所之府志四十三年南昌府屬水次年飢

安志 隆慶二年南昌撫州旱民飢安志五年冬十月夜半天鼓鳴六

年德化彭澤雨雹大水安志

萬歷元年秋七月贛州金魚坊井中醴泉出其氣清芬味如

薄酒三日乃竭三年南昌地震旱五年奉新雨黑穀秋九

月萬載縣有巨石自天而墜安志九月四日有星曳於西南

色赤如火少頃沒晦日彗星見西方形如白雲勢若拖練

根五丈餘闊三丈餘長約十丈由尾歷箕越斗度牛至十

一月二十九日乃止南豐志冬十月南安贛州桃李華大雷

雨雹六年寧州雨黑穀安志南豐大疫縣志七年八年皆旱南豐志

縣志 七年進賢縣崇禮鄉生嘉禾一莖五穗秋崇仁縣火延



漢書三日始息十年瑞州水志安十一年南安贛州吉安

大水南安太平橋崩溺死者以千計豫章十二年彭澤塌

毛州出火焚烈有聲以物投之即燃十四年春二月瑞州

大雷雨三黃嶺迸裂進賢鶴仙峯甘露降志安建昌有巨蛇

一角六足如雞距不噬人蛇六足者名肥蠃見則千里內

大旱後十六七年果大旱紀明十六年南昌府兩豆或黑或

斑味如銀杏志安撫州民飢秋七月武寧縣兩雪九江府早

十七年春撫州建昌袁州臨江瑞州五月不雨大飢秋七

月大疫萍鄉五虎入城瑞州荷山白鹿見十九年星子縣

文昌閣來一鳥似鷹志安二十四年水二十五年夏四月泰

和疾風拔樹壞屋秋八月各郡池水湧數尺高二十六年

大水豫章二十九年贛州城黑青見形似狸犬夜間潛入

江西通志 卷一百七 祥異

入室燈燭皆滅邪氣觸人春二月建昌學宮桂開花結子

三十二年冬十月九日南昌地震南康獲白鹿二三十三

年春正月南昌府火延及布政司譙樓并南昌縣治民居

千有餘家夏五月雷火焚德勝門城樓志安冬十二月龍見

豐城田中身長四十餘丈頭似麟七日後飛翔挾風雨而

去豫章三十六年南昌府水大飢四十年瑞州大雨雹形

似麒麟重一劬許四十一年秋八月貴溪地震冬十二月

寧都地震有聲四十二年春廬山蛟出水湧猛虎入天池

寺傷僧人數眾四十二年九江羣鼠渡江而南食禾傷稼

安乙卯夏六月安福王某自外歸有雲如匹練隨之入屋

安大水民飢夏五月南安贛州淫雨蛟蜃並出水湧丈餘

四十六年夏九江星隕有聲秋九月東南白氣見至初更

即出兩旬始滅志安九月之杪東南方蒼白氣一道闊尺餘

約長丈二尺每五更出現浹旬始滅靈臺占長庚星主兵

屬楚分舊志四十七年德化甘泉鄉木連理生安志

天啓元年辛酉春兩木冰新瀋二年秋九月大平宮蛟出屋

毀橋圮三年吉安府早飢興安縣產紫芝夏五月瑞昌華

嶺山崩塞水口志安四年甲子夏大水府志六年九江民郤

本進妻趙氏一產三男高安虎四出能上舟登樓開門破

壁殺數十人志安六年贛州秋疫贛州府志

崇禎元年秋九月自重陽後酷熱下旬尤甚廿九之午暘不

可言是夜無風自寒明日魚浮蔽江盡凍僵者兩二年

江西通志 卷一百七 祥異

秋七月饒州府城火日數十發知府張有譽開水巷及西

門以壓之冬大飢志安四年辛未六月廿一日東湖水鬪若

有兩物在下推起中作噴湍新瀋秋七月十八日南昌及

各府地震九月十六日天鼓鳴冬十月十六日又地震五

年夏六月二日袁州兩黑穀人爭拾之以食七年春三月

地震夏饒州大水害稼八年春三月上饒兩雹大如雞卵

夏五月暴雨鍾靈橋圮志安九年南昌及各府大飢米穀騰

貴鄉城爭相搶奪巡撫解學龍禁之弗得後以數人正法

方止十年春兩木冰饒州有飛虎自西北來止於鄱陽之

義倉其狀虎頭鳥翼夏五月大水十一年冬餘干晁山夜



十二朶如紫雲寶蓋府志十四年春正月大雨雪凝冰樹木凍折四山震響夏大水民飢志安春二月興安大雨雹廣秋七月十五夜信豐地震冬十一月二十四日復震十五年郡城火府志十六年春德興兩縣夏五月餘于東山石崩壞民居府志冬十月興國雷震東方天裂數丈白光如電興國志十七年春二月袁州地震夏五月德興西河巨石自起立轟然有聲秋七月異鳥叢集于九江其大如鵝臨江兩黑沙志安是月二十六日會昌清溪山大黃沙崩裂水湧出高二丈漂沒民居男婦溺死無算府志冬十月初九日龍見隨有五彩雲擁護陷橫塘一畝闊深十餘丈廣信府志

江西通志

卷一百七 祥異

三

順治二年乙酉廬山太乙觀生瑞芝九本三年丙戌夏南昌暨各府自五月不雨至十月大旱四年丁亥春大水斗米七錢民大飢志安夏四月日暮天門開於西南見五色方丈如畫彭澤志五年戊子春夏大飢斗米千錢府志夏六月天門開於西北有文如前開閉有聲彭澤志六年己丑春正月十一日九江晝晦如夜夏四月大水志安八年辛卯春正月會昌地震府志袁州旱民飢志安三月廿五日大雷電謝文莊族裔一屋撥去田中離舊址百餘丈而瓦壁盡完柱皆端正著礫新澤志九年壬辰春三月地震南康有虹墮於萍湖東小池長可尋丈五色爛然經日始散志安十年癸巳夏四月四日大雷電如栲栳者甚多如杯如拳如栗者不啻

一年甲午袁州蟲害稼志安贛州城外善慶菴產靈芝高二尺府志十二年乙未湖口鄉民李茂華妻謝氏一產三男志安十七年上饒縣署後堂棟間產靈芝一本府志十八年辛丑各府大水安志

康熙元年壬寅祥雲見府志南昌及各府旱志安五年丙午夏四月牛產麟於南昌縣五十都三圍金臺里劉思彬集七年戊申春三月兩雷夏六月地震有聲九年庚戌冬十一月彌月大雨雪十年辛亥夏五月南昌數月不兩大旱志安廣信府麥秀兩岐廣信府志十一年壬子春民大飢道殣相望巡撫董衛國勸報奉

江西通志

卷一百七 祥異

三

旨蠲免本年錢糧預發倉米賑濟志安十三年甲寅興國唐村火死者三百三十七人府志十六年丁巳夏六月瑞金朱大仁書室產芝二本瑞金志十七年戊午袁州產麒麟說秋寧州及各縣旱巡撫佟國禎勸報蠲賑十八年己未秋南昌等五十九州縣旱巡撫安世鼎勸報賑之贛州大水二十年辛酉夏新建等十四州縣水巡撫李士禎勸報蠲賑二十一年壬戌春瑞金松竇路徑一里許甘露降四十餘日其味如蜜夏南昌等十四縣水秋宜春等八縣旱巡撫佟康年勸報蠲賑一十四年乙丑夏宜春萬安上饒鄱陽樂平五縣旱災蠲賑志白二十五年丙寅廣信七邑水廣信府志二十六年丁卯秋寧州等十七州縣旱賑之二十七年戊辰秋寧州等十二州縣旱巡撫宋榮勸報蠲賑二十八年己巳秋新建等四十一州縣旱蠲賑有差三十年辛未夏永寧出蛟水決沙塞田二百餘頃秋瑞昌水三十一年壬